

健餘先生文集

一



健餘先生文集

一

尹會一 著
王肇珩 編

中華書局

健餘先生文集

二

尹會一 著
王擊瓊 編

中華書局

叢書集成初編

健餘先生文集 二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米 三十二分之一

統一書號：一七〇一八·一五一

健餘先生文集序

乾隆十有三年秋七月先生以吏部侍郎督學江左卒於官越三年春而先生遺書始出其文篇古而達於詞何高潔至是蓋由來者漸也先生幼孤奉母夫人教三十年敷歷大官日與鉅人長者相切劘文凡三變矣其少而宕激於中也若舒鑿雲鱗以勃鬱其壯而肆之外也若鳴鳳之詭然而高翔其晚而成之以簡質也若桂吹古香松傳老韻要皆本之於道而以程朱之學爲門庭以周孔之書爲歸宿以是斯文未喪光於今大於後而翹然與古爲徒夫豈一朝一夕之故哉嗟乎西京以下其文篇古而不明道北宋以降其文明道而不篤古孔子曰有德者必有言先生當之矣擊琯受而讀之得約言五序四十二記二十五書十八啓二祝文二十九祭文十一傳一墓誌二墓表二碑銘四題跋二十四雜著二十四凡一百九十一分爲十卷顏曰健餘先生集其奏議十卷尺牘四卷條教四卷語錄四卷別刻行世不在集中門人王擊琯謹序

健餘先生文集目錄

卷一 約言五首

戒盈

正始

立身

卷二 序二十首

重刻大學衍義序

重訂近思錄集解序

文獻通考紀要序

續北學編序

詩易隨記序

重刻明職序

困學錄集粹序

綱目四鑑錄序

文見本書

健餘先生文集

目錄

通蔽

備德

重訂小學纂註序

近思錄五子傳略序

續洛學編序

洪範正論序

易卦割記序

呂語集粹序

文見本書

廣字義序

健餘割記序

文見本書

讀書永言序

秀才樣子序

卷三 序二十二首

廣西鄉試錄後序

重修揚州府志序

家譜序

范氏家乘序

朱止泉先生年譜序

格言精華序

吳母趙太孺人壽序

程羽朝詩序

文頌序

已山太史存稿序

江蘇校士錄序

卷四 記二十五首

從宜錄序

江蘇學約序

河南武鄉試錄序

江南通志序

祁陽李氏家譜序

先太夫人年譜序

古衡先生言行錄序

朱子家訓演證序

顧牧雲五十詩序

海門詩集序

維揚書院課序 二首

儲東溪文序

新建節孝坊記

三錫祠記

東章義倉記

新修襄陽八蜡廟記

新建襄陽魁樓記

重濬揚州保障河記

重修浮山禹王廟記

重修遊梁書院記

重修河南八蜡廟記

祥符張烈女入祠記

博陵義館記

輔平倉記

重修博野魁樓記

卷五 書啓二十首

上朱高安先生書

東章新阡祭田記

健餘堂宗法記

重修老龍堤記

隆中草廬記

襄陽書院藏書記

新建邵伯鎮同善堂記

重建安定書院記

重修濟瀆廟記

重建祥符六烈女祠記

重修博野縣學記

修博陵義館記

祁州張家莊義倉記

復高安先生論興水利書

上過大司馬書

復合河先生論禁酒書

答龐石周書

答陳密山書

答錢督學主敬書

上魏景州書

上望溪先生書

修習齋祠堂啓

卷六 祝文二十九首

習齋先生入鄉賢祠文

祈晴文

辭襄陽城隍文

揚州司徒廟告文

河南聖廟告文

告岳廟文

答沈副使書

與東章館師時瀚尼書

與陳密山書

與劉今衡書

與郭虛亭書

上高東軒先生書

三首

與元長大司馬書

聘安定書院山長啓

襄陽春祈文

告太和山文

辭襄陽八蜡文

饗災文

孟子遊梁祠告文

河南城隍廟告文

告濟源北瀆文

謝雨文

告河神文一首

謝雨

報賽文

之任冬官告東章祖廟文

楊文定公祠告文

卷七 祭文十一首

祭高安朱文端公文

祭鄂太傅文

祭劉古衡文

祭張篤生文

祭陳母潘太淑人文

七虞先太夫人文

卷八 傳誌墓表碑銘九首

河南祈雨文

福豫廟告文三首

禱風

河南八蜡廟落成文

巡撫河南給假焚黃文三首

告三錫祠文

祭吳文恪公文

祭王雲卿文

祭劉令衡文

祭刁方伯暨元配張夫人冢子鑑齋文

祭張母白太恭人文

杜荊山傳

西隆州知州劉君墓誌銘

東山公墓表

吳氏支祠碑

孝友堂銘

卷九 題跋二十四首

擬近思錄題辭

諸葛武侯像贊

題已山太史小照

題贈牧雲

題求可堂

題范文正公祠

題江寧試院

題黃玉圃先生歸夢圖

書林公墓誌後

刁紹武先生墓誌銘

顏習齋先生墓表

蘇氏祠堂碑

六有齋銘

題隆中草廬

襄陽自題小照

題襄陽府堂額

題集益軒

兩淮題額 三則

題雉水書院講堂

題思貽齋

題六有園圖

書和陶集後 三首

書小稱集後

卷十 雜著二十四首

書岳鄂王改謚忠武事

健餘堂訓詞

河南武鄉試策問

諭諸生二則

書夏調元傳後

博陵社約說

廣西鄉試策問 二首

江蘇錄科策問 十六則

健餘先生文集卷一

約言

戒盈

清 尹會一著 門人王鑿瑜編

才者德之末也。謙者德之柄也。福者德之徵也。柄不可棄。窮達以之。恃其末而求其徵。動即怨尤。時命奚啻樵於童山。漁於涸澤。植嘉禾於奧草。望大有於石田。易曰。天道虧盈而益謙。地道變盈而流謙。鬼神害盈而福謙。蓋盈之爲害甚矣。人知勢位崇隆。侈然自足之謂盈。不知才人多傲骨。當夫酒酣興發。放軼恣肆。動以讀書萬卷。相夸耀。夫卽令誠然。學人自讀書而上。固大有事在。而乃封己爲高。陵轢儕伍。庸獨非盈乎。高明之家。鬼瞰其室。其能免乎。迨至所如不偶。鬱鬱無聊。輒謂多才非福。古今同慨。甚且致恨於儒冠。誤身而歎讀書之無益。嗚呼。人亦自爲其無益者耳。善讀書者。得一二言卽可成身而有餘。曾是萬卷而無以自澤也歟。吾觀易傳。大有受之以謙。此謂有大者不可以盈也。三陳九德。履先而謙次之。此示人以處憂患之道。踐履不外於謙也。惟謙亨終無所擇於地。無所擇於人。可以居尊。可以居卑。可以處三之成勞。可以處四之无功。可以涉川行師。極夫人世之艱難險巇。而无不利用。嗚呼。爰辭備矣。世之讀書萬卷者。其亦反求而有省否耶。奈何不知修德守約。自求多福也。非才之難。所以自用者實難。則盈之爲害甚

矣。用申大易之文以致戒。

通蔽

爲政莫優於好善。不祥莫大於蔽賢。世儒宜無不知。而未能自克。則蔽於自用耳。善哉乎子厚推言之也。曰。相天下者。立紀綱。整法度。擇天下之士。使稱其職。能者進之。不能者退之。萬國旣理。而談者獨稱伊傅周召。其百官執事之勤勞。不得紀焉。或者不知體要。銜能矜名。侵小勞。侵衆官。斷斷於府庭。而遺其大者遠者。是不知相道者也。古來論相用人之義。莫切於此。雖然。用人者常苦於人無可用。則又蔽於求備耳。陸宣公言之審矣。曰。衰季之時。咸謂無人足任。及雄才御寓。賢士相從如林。興王之良佐。皆是季代之棄材。在季而愚。當興而智。可知人之才性。與時升降。好之則至。獎之則崇。抑之則衰。斥之則絕。此消長之由也。天之生物。爲用罕兼。曲成則品物不遺。求備則觸類皆棄。付授當器。各宜其能。及乎合以成功。亦與全才無異。聖人愛人之才。慮事之弊。採其英華而使之。當其茂暢而獎之。不滯人於已成之功。不致人於必敗之地。是以銳不挫而力不匱。官有業而事有終。古來論用人之法。致懇惻而有條理。莫切於此。雖然。上欲用人。而天下賢才亦無不思爲上用。常苦於扞格難通。則又蔽於不求耳。朱子與劉貢父書言之審矣。曰。大臣所賴以共正君心。同斷國論者。必有待於衆賢之助。君子將以身任此責。必咨詢訪問。取之於無事之時。而參伍較量。用之於有事之日。權力所及。則察之舉之。禮際所及。則親之厚之。皆不及則稱之譽之。又不及則嚮之慕之。如是而猶以爲未足也。又於其類而求之。不以小惡掩大善。不以衆短棄一長。古

來論訪問人材。詳達而曲盡者。莫切於此。執政覽此而善用之。庶免蔽賢之罪也夫。

正始

傳謂身不修不可以齊其家。修齊之義。和與敬盡之。關關起興。昭其和也。嘻嘻終客。戒弗敬也。能敬且和。誰離肅肅。女正位乎內。男正位乎外。皆不越此矣。而家之齊必自婦人始。何則。婦人性本陰柔。未嘗學問。然其觀我甚明。責我必厚。我於禮法有失。言論稍偏。彼已得而藉口。及其有過。包荒則易。長傲。睚眦必致。離心。心不服則言不和。言不和則家不順。婦怨無終。所關大矣。易有脫輻反目之象。夫子繫曰。不能正室。正室者。齊家之謂也。詩咏刑于。刑于者。修身之謂也。欲修身而齊家。以平好惡爲權輿。大事必循理。小事須順情。不可矯枉過正。而天經地義。尤莫切於事親。是故以好合而致父母之順者。此相因而致之理也。父父子子。兄兄弟弟。夫夫婦婦。而家道正者。此由尊及卑之義也。身不行道。不行於妻子。此固士大夫之責。而豈可徒責之婦人女子哉。至於一家非之而不顧。振古有人。究非聖賢蹈道之爲。夫聖賢蹈道。先見於言行。故君子言有物而行有恆。終身以之。獨繫於家人之象。所以見身爲家本。而戶庭之內。日用不離。尤不可不善也。學之必自小學始。小學之教。在於明倫。其要在於敬身。取古今嘉言以廣之。善行以實之。綱領正大。條目詳明。入德之門。無所不備。學者誠能切己體察而力行之。則和敬之理得矣。和敬之理得。則修齊之道盡矣。

備德

人情好辭德而受福。雖舉山阜岡陵日月恆之盛。侈詞稱願。亦將欣然樂之。聞賢聖之名。則避之惟恐不遠矣。乃世儒又以求福爲諱。是亦昧於不同之義。而離德與福而二之也。亮哉子瞻之論。既醉備五福。曰。君子萬年壽也。介爾景福。富也。室家之壺。康甯也。高明有融。攸好德也。高明令終。考終命也。凡言此者。美其全享是福。兼有是樂。而天下安之。以爲當然。必有以致之。推本於至誠。要之以不懈。可謂善觀詩矣。然猶於詩人言外明其有德也。吾則謂德之美備。即不外於此詩。其曰永錫爾類。仁也。籩豆靜嘉。義也。威儀孔時。禮也。介爾昭明。智也。令終有假。信也。爾穀既將。君以惠臣。君子有孝子。父以傳子。釐爾女士。夫有令妻。至於朋友攸攝。攝以威儀。則長幼有序可知。此其言德何詳。不已備五常而全達道哉。大凡古者以德爲福。未有言福而不徵於德者。即天保諸篇。累言不盡。亦豈有殊旨歟。事修厥德。自求多福。原非二道。善學詩者。自得其意耳。

立身

士大夫立身。自有本末。各成其是。皆足以傳後而無疑。以忠孝大節觀之。其在於漢。王陽爲孝子。王尊爲忠臣。孝子視九折阪爲畏道。不敢奉先人遺體乘險。竟謝病去。忠臣叱馭而驅之。文武自將。所在必發。竟卒於官。史傳所稱。無分優劣也。其在於宋。范文正公冒哀言事。自謂其孝不逮。忠可忘乎。著萬言書。一生功業皆素定。歐陽文忠公免喪入朝。仁宗怪其髮白。見意甚至。未幾乞致仕者六。足見其不忘孝矣。然人未有譏范文正公之居喪上書爲不孝者。蓋其先憂後樂之心。有以見信於世。而知其非貪利祿以希榮。

嗚呼士大夫不貪利祿以希榮則進非干澤退非儉安而忠孝之大節立矣